



Na osnovu Odluke o sazivanju Šesnaeste Skupštine Društva donesene na VIII sjednici Nadzornog odbora od 4.7.2012. godine, a u skladu sa članom 242. Zakona o privrednim društvima ("Službene novine Federacije BiH", broj: 23/99, 45/00, 2/02, 6/02, 29/03, 68/05, 91/07, 84/08, 88/08, 7/09 i 63/10), Nadzorni odbor "FAD" d.d. Jelah - Tešanj objavljuje

OBAVJEŠTENJE O SAZIVANJU XVI (ŠESNAESTE) SKUPŠTINE "FAD" d.d. JELAH - TEŠANJ

I - Šesnaesta Skupština "FAD" d.d. Jelah - Tešanj će se održati **27.7.2012. godine (petak) u 11 sati** u sjedištu "FAD" d.d. u Jelahu, Ulica Titova bb.

II - Radna tijela Skupštine

- Skupština Društva, do izbora predsjednika Skupštine, predsjedava prisutni dioničar ili punomoćnik dioničara sa najvećim brojem dionica s pravom glasa.
- Skupština Društva većinom glasova, između prisutnih dioničara i punomoćnika dioničara, bira predsjednika Skupštine Društva i dva ovjerivača zapisnika Skupštine.
- Nadzorni odbor je imenovao za Šesnaestu Skupštinu Odbor za glasanje u sastavu: Dzenana Imširović, predsjednik, i članovi Naida Hadžikadić i Hidajeta Hafizović, svi zaposlenici Društva. Zapisnik će voditi sekretar Društva Sadeta Hrić.

III - Za Šesnaestu Skupštinu utvrđen je sljedeće:

Dnevnired

1. Izbor predsjednika Skupštine i dva ovjerivača zapisnika Skupštine
2. Donošenje odluke o razrješavanju člana Nadzornog odbora
3. Donošenje odluke o izboru i imenovanju člana Nadzornog odbora

IV - Podnošenje prijedloga dioničara

Dioničar ili grupa dioničara sa najmanje 5% ukupnog broja dionica s pravom glasa ima pravo pisano predložiti kandidata za člana Nadzornog odbora i izmjenu dnevnog reda i/ili prijedloga odluka Skupštine, najkasnije osam dana od dana objavljivanja ovog obavještenja. Prijedlog se podnosi Nadzornom odboru Društva.

V - Pravo učešća i odlučivanja, postupak prijave za učešće, način glasanja i uvid u materijale

Pravo odlučivanja na Skupštini imaju dioničari koji se nalaze na listi dioničara kod Registra vrijednosnih papira FBiH 30 dana prije datuma održavanja Skupštine ili posljednjeg radnog dana koji prethodi tom roku, ako on pada u neradni dan. Pravo učešća u radu i odlučivanju na Skupštini dioničari mogu ostvariti lično ili putem punomoćnika. Dioničar, odnosno punomoćnik, dužan je najkasnije tri dana prije datuma održavanja Skupštine podnijeti Odboru za glasanje pisanu prijavu za učešće na Skupštini, uz kopiju lične isprave za identifikaciju, neposredno u sjedištu Društva, preporučeno poštom na adresu: "FAD" d.d. Jelah - Tešanj, 74264 Jelah, Titova bb, ili faksom na broj: 032/667-004. Punomoćnik za učešće u radu i odlučivanju Skupštine daje se u obliku pisane izjave potpisane od dioničara-vlastodavca i punomoćnika i dostavlja se Društvu lično, poštanskom poštom ili faksom, najkasnije tri dana prije održavanja Skupštine. Sekretar Društva će u ime Odbora za glasanje izdati potvrdu o registraciji, koju je dioničar, odnosno punomoćnik, obavezan predati Odboru za glasanje prije održavanja Skupštine. Glasanje na Skupštini vrši se putem glasačkih listića, koji sadrže ime i prezime ili firmu dioničara i broj glasova s kojim raspolaže, zaokruživanjem odgovora "za" ili "protiv" prijedloga odluke, odnosno zaokruživanjem broja ispred imena kandidata pri izboru organa Društva. Izbor predsjednika i dva ovjerivača zapisnika Skupštine može se vršiti i akklamacijom ukoliko Skupština tako odluči. Prijava za učešće na Skupštini Društva i obrazac punomoćni mogu se dobiti u sjedištu Društva. Podnošenje prijave za učešće na Skupštini, kao i uvid u materijale koji su u vezi sa dnevnim redom Skupštine, uz predujmu punomoćni kada uvid vrši punomoćnik i predočenje lične isprave za identifikaciju, dioničari i punomoćnici mogu izvršiti u sjedištu Društva, svakim radnim danom od 9 do 14 sati. Kontakt-telefon: 032/667 192.

Nadzorni odbor

Bosna i Hercegovina FEDERACIJA BOSNE I HERCEGOVINE SREDNJOBOSANSKI KANTON/KANTON SREDIŠNJA BOSNA MINISTARSTVO UNUTRAŠNJIH POSLOVA MINISTARSTVO UNUTARNJIH POSLOVA TRAVNIK

Datum: 4.7.2012. godine

Na osnovu člana 30. Zakona o namještenicima u organima državne službe u Federaciji BiH ("Sl. novine FBiH", broj 49/05), raspisuje se

OGLAS

za popunu radnog mjesta namještenika
u Ministarstvu unutrašnjih poslova SBK/KSB na određeno vrijeme
(zamjena namješteniku na bolovanju i ispomoc u obavljanju poslova čistoće)

1. Pomoćni radnik - čistačica prostorija u Odsjeku za administraciju Travnik - 1 izvršitelj na određeno vrijeme

Pored općih uvjeta propisanih za prijem u radni odnos, kandidati moraju ispunjavati i posebne uvjete:

- završena osnovna škola

Uz prijavu na oglas, kandidat je dužan dostaviti:

- izvod iz matične knjige rođenih
- izvod iz knjige državljana
- uvjerenje da se ne vodi kazneni postupak
- dokaz o stečenoj školskoj spremi
- ljekarsko uvjerenje

Prijave sa priloženom dokumentacijom slati isključivo putem PTT ili izravno na Pisarnicu MUP-a SBK/KSB zapečaćeno/kovertirano na adresu: Ministarstvo unutrašnjih poslova SBK/KSB, Travnik, Aleja konzula br. 12 sa naznakom "Komisija za oglas".

Nepotpune i neblagovremene prijave neće se razmatrati.
Oglas ostaje otvoren 15 dana od dana objavljivanja u sredstvima informisanja.

BOSNA I HERCEGOVINA
FEDERACIJA BOSNE I HERCEGOVINE
Federalno ministarstvo poljoprivrede,
vodoprivrede i šumarstva

BOSNIA AND HERZEGOVINA
FEDERATION OF BOSNIA AND HERZEGOVINA
Federal Ministry of Agriculture, Water
Management and Forestry

Broj: 01-49-1447/12
Sarajevo, 4. 7. 2012. godine

Na osnovu člana 9. Pravilnika o uslovima i načinu ostvarivanja novčane podrške po modelu ruralnog razvoja ("Službene novine Federacije BiH", broj 56/12), Federalno ministarstvo poljoprivrede, vodoprivrede i šumarstva r a s p i s u j e

JAVNI POZIV

za dodjelu novčanih sredstava za realizaciju zahtjeva u okviru
Modela ruralnog razvoja - Kapitalna ulaganja i investicije

I. PREDMET JAVNOG POZIVA

Predmet javnog poziva je prikupljanje zahtjeva koji se odnose na sljedeće:

1. Kapitalna ulaganja i investicije u poljoprivredna gazdinstva koja se bave proizvodnjom poljoprivrednih proizvoda iz Dodatka I Zakona o poljoprivredi ("Službene novine Federacije BiH", br. 88/07 i 4/10) i koji su investirali u periodu od 1.6.2010. godine do 31.12.2011. godine,
2. Udio novčane podrške u iznosu od 25% od investiranih sredstava.

II. KLJENTII KOJI IMAJU PRAVO NA PODNOŠENJE PRIJAVE

Pravo podnošenja zahtjeva imaju pravna i fizička lica (u daljem tekstu: klijent) koja ispunjavaju opće i posebne uslove iz ovog javnog poziva.

III. OPĆE ODREDBE

Klijenti iz tačke II javnog poziva moraju ispunjavati sljedeće uslove:

- a) da ima sjedište, odnosno prebivalište na teritoriji Federacije,
 - b) da je upisan u RPG i RK, što dokazuje potvrdom koju izdaje nadležna općinska služba nakon 1.1.2012. godine,
 - c) da ispunjava kriterije propisane Programom o utrošku sredstava sa kriterijima raspodjele sredstava "Poticaj za poljoprivredu" ("Službene novine Federacije BiH", broj 44/12) utvrđenih budžetom Federacije Bosne i Hercegovine za 2012. godinu Federalnom ministarstvu poljoprivrede, vodoprivrede i šumarstva pod nazivom "Od našeg polja do našeg stola" (u daljem tekstu: Program), Pravilnikom o uslovima i načinu ostvarenja novčanih podrški po Modelu ruralnog razvoja ("Službene novine Federacije BiH", broj 56/12) (u daljem tekstu: Pravilnik) i ovim javnim pozivom,
 - d) da je dostavio obavještenje o razvrstavanju pravnog lica po djelatnosti,
 - e) da je dostavio popunjen obrazac zahtjeva I-1 i popunjen obrazac projekta investicionog ulaganja PIU, koji su sastavni dio Pravilnika i mogu se preuzeti na web stranici Ministarstva (www.fmpvs.gov.ba),
 - f) da je investirao u periodu od 1.6.2010. do 31.12.2011. godine,
 - g) za zadruge, pored propisane dokumentacije da dostave potvrdu ili rješenje o izvršenju zadrudnoj reviziji, ne starije od dvije godine, i za novoformirane zadruge rješenje o upisu u sudski registar.
- (2) Kod podnošenja zahtjeva za novčanu podršku Federalnom ministarstvu klijenti su dužni dostaviti dokaz o uplati federalne upravne takse u skladu sa Tar. br. 1. i 2. u ukupnom iznosu od 12 KM (5 KM za zahtjev i 7 KM za rješenje), a u skladu sa Zakonom o federalnim upravnim taksama i tarifi federalnih upravnih taksi ("Službene novine Federacije BiH", br. 6/98 i 08/00).
 - (3) Rok za podnošenje zahtjeva je 8 dana od dana objave javnog poziva u dnevnoj štampi.

IV. NEOPHODNA DOKUMENTACIJA ZA SUDJELOVANJE NA JAVNOM POZIVU

U ovisnosti od vrste investicije, sredstva planirana u Programu za mjeru: kapitalna ulaganja-Investicije, projekti i obrtna sredstva u poljoprivredna gazdinstva će se realizirati na osnovu sljedeće dokumentacije:

- a) popunjen obrazac zahtjeva (I-1) za ostvarivanje prava na novčanu podršku,
- b) potvrdu o upisu u RPG i RK,
- c) ugovor o otvorenom bankovnom računu,
- d) popunjen obrazac projekta investicionog ulaganja (PIU),
- e) račun kao dokaz o investiranim sredstvima na ime klijenta: poreznu fakturu ili blagajnički račun u skladu sa članom 4. stav 2. Pravilnika, ili procjenu sudskog vještaka o vrijednosti investicije,
- f) jedinstvenu carinsku deklaraciju - JCI obrazac s pripadajućim računom za uvezenu opremu, mehanizaciju, stoku i sl,
- g) dokaz o preuzimanju proizvedenih poljoprivrednih proizvoda unutar vlastitog gazdinstva za nastavak dalje proizvodnje (za podizanje višegodišnjih zasada i nabavku osnovnog stada) - primka na skladište repromaterijala, izdavnica sa skladišta u proizvodnju, radni nalog u proizvodnji, primka na skladište gotovih proizvoda,
- h) dokaz o podignutom intenzivnom višegodišnjem zasadu voćnjaka (najmanje 0,5 ha) i intenzivnog zasada vinograda (najmanje 0,3 ha),
- i) kopiju saobraćajne dozvole za traktor, prikoliku, kombajn ili drugu poljoprivrednu mašinu koja podliježe registraciji (za one klijente koji su imali investiciju za kupovinu mehanizacije i opreme). Mehanizacija iz uvoza ne može biti starija od sedam godina a oprema pet godina, dok oprema i mehanizacija kupljeni na domaćem tržištu moraju biti novi,
- j) potvrdu da su životinje obilježene u skladu sa Pravilnikom o obilježavanju i kontroli kretanja životinja u Bosni i Hercegovini ("Službeni glasnik BiH", br. 13/10, 79/10 i 25/11),
- k) kopiju pasoa životinja, izdate u skladu sa Pravilnikom o obilježavanju životinja (dostavlja se neovjerena kopija),
- l) potvrdu da su životinje obilježene u skladu sa Pravilnikom o obaveznom označavanju i upisu u jedinstveni Registar ovaca, koza i svinja te vodenju evidencije ("Službene novine Federacije BiH", br. 87/07 i 64/08),
- m) kopiju pojedinačnog ili skupnog obrasca za prijavu kretanja i svjedodžbu o zdravstvenom stanju životinje koju nadležna veterinarska organizacija izdaje za sve životinje koje su kupljene - prodate, (pod: j, k, l i m samo za one klijente koji su imali investiciju za nabavku rasplodne stoke: krava, ovaca, koza, svinja i pčela),
- n) rješenje da objekt udovoljava propisanim veterinarsko-zdravstvenim uslovima - veterinarski broj ili dokaz o podnesenom zahtjevu za izdavanje istog,
- o) dozvolu za akvakulturu ili dokaz o podnesenom zahtjevu za izdavanje iste (pod n i o samo za one klijente koji su imali investiciju u izgradnju novih, rekonstrukciju i opremanje postojećih ribnjaka i pogona za doradu i pakiranje ribe),
- p) ovjerenu izjavu klijenta da će nabavljenu opremu, mehanizaciju, stoku, podignut zasad i sl. zadržati u svom vlasništvu najmanje tri godine uz obavezno pravilno korištenje i održavanje,
- q) za zadruge, pored gore navedene dokumentacije i potvrdu o izvršenju zadrudnoj reviziji koju izdaje Zadrudni savez Federacije BiH, ne stariju od dvije godine, a novoformirane zadruge izvršen upis u sudski registar.

V. VREDNOVANJE ZAHTJEVA

- (1) Zahtjevi se dostavljaju Federalnom ministarstvu poljoprivrede, vodoprivrede i šumarstva (u daljem tekstu: Federalno ministarstvo).
- (2) Prilikom obrade zahtjeva utvrđuje se pravovremenost, potpunost, i osnovanost zahtjeva klijenta propisanih Programom, Pravilnikom i ovim javnim pozivom.
- (3) Federalno ministarstvo donosi rješenje kojim odlučuje o zahtjevima koji su pristigli kao neblagovremeni, nepotpuni ili neosnovani.
- (4) Federalni ministar poljoprivrede, vodoprivrede i šumarstva (u daljem tekstu: ministar) rješenjem imenuje komisiju za ruralni razvoj (u daljem tekstu: Komisija).
- (5) Komisija će razmotriti prispjele zahtjeve i sačiniti prijedlog za odobrenje ili za odbijanje zahtjeva, nakon čega ministar donosi rješenje.
- (6) Rješenje iz stavka 3. i 5. ovoga člana je konačno u upravnom postupku i protiv istog nije dopuštena žalba, ali se može pokrenuti upravni spor tužbom kod Kantonalnog suda u Sarajevu.
- (7) Isplata novčane podrške po javnom pozivu će se vršiti na osnovu planiranih sredstava u okviru Programa za ovu mjeru i može se vršiti u više obroka, što će se definisati rješenjem ministra ili ugovorom.
- (8) Ukoliko Komisija u određenom predmetu sumnja da je račun ili procjena sudskog vještaka o investicionim ulaganjima veća od stvarnog ulaganja klijenta, Federalno ministarstvo može zatražiti dostavu dodatne dokumentacije i angažovati drugog sudskog vještaka radi procjene vještačenja u cilju utvrđivanja činjenica.
- (9) Radi utvrđivanja činjeničnog stanja sposobnosti klijenta, njegove ekonomske održivosti (kratkoročna ili dugoročna), uravnoteženja teritorijalne zastupljenosti, Komisija može pored dokumentacije propisane za svaku mjeru, zatražiti i sljedeću dodatnu dokumentaciju:
 - bilancu starja i uspjeha klijenta za prethodni period,
 - biznis-planove za naredni period,
 - ugovore i garancije poslovnih partnera da su biznis-planovi provodivi u svakom dijelu i drugo.
- (10) U slučaju da je poslovanje pojedinog klijenta na visokom nivou ili ispod nivoa ekonomske održivosti, na prijedlog Komisije ministar može rješenjem: odbiti zahtjev, poništiti izdati rješenje i naložiti povrat isplaćenih sredstava.

VI. napomene

- Da bi klijent ušao u konkurenciju za odabir na javnom pozivu, mora ispuniti propisane uslove;
- Svi dokumenti koji se predaju uz zahtjev kao dokaz o ispunjavanju kriterija sudjelovanja iz ovog poziva, moraju biti originalni ili ovjerene kopije, ne starije od tri mjeseca;
- Dokumenti koji se šalju na javni poziv ne vraćaju se klijentu;
- Ministarstvo zadržava pravo kontrole za podneseni zahtjev;
- Ministarstvo ne snosi nikakve troškove klijenta, nastale sačinjavanjem i predajom zahtjeva, a klijent nema bilo kakva prava na naknadu bilo kakvih troškova po osnovu sudjelovanja na ovom javnom pozivu.

Svi zahtjevi dostavljaju se s naznakom "JAVNI POZIV - I" - "ne otvarati" na adresu:

FEDERALNO MINISTARSTVO POLJOPRIVREDE,
VODOPRIVREDE I ŠUMARSTVA
Ul. maršala Tita broj 15
71 000 Sarajevo

MINISTAR
Jerko Ivanković Lijanović